



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱԶԶ

ՀՐԱՄԱՆ № 3-Լ

« 16 » 01 2023 թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԴԱՏԱԽԱԶՐՈՒԹՅԱՆ ՀԱՄԱԿԱՐԳՈՒՄ
ՏԱՐԵԿԱՆ ԱՇԽԱՏԱՆՔՆԵՐԻ ԱՐԴՅՈՒՆՔՆԵՐԻ ԱՄՓՈՓՄԱՆ ԿԱՐԳԸ
ՍԱՀՄԱՆԵԼՈՒ, ՏԱՐԵԿԱՆ ԱՇԽԱՏԱՆՔՆԵՐԻ ՄԱՍԻՆ ԶԵԿՈՒՑԱԳՐԵՐԻ
ՕՐԻՆԱԿԵԼԻ ՁԵՎԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱԶՐԻ 2020 ԹՎԱԿԱՆԻ ԴԵԿՏԵՄԲԵՐԻ 30-Ի N 146 ՀՐԱՄԱՆՆ
ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Հայաստանի Հանրապետության քրեական և քրեական դատավարության նոր օրենսգրքերի ուժի մեջ մտնելով պայմանավորված՝ Հայաստանի Հանրապետության դատախազության ստորաբաժանումների կատարած աշխատանքների արդյունքներն ամփոփելու մասին զեկուցագրի օրինակելի ձևը փոփոխելու անհրաժեշտությունից ելնելով, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 2-րդ մասի 7-րդ կետով, 30-րդ հոդվածով, «Նորմատիվ իրավական ակտերի մասին» Հայաստանի Հանրապետության օրենքի 36-րդ հոդվածով՝

Հ Ր Ա Մ Ա Յ ՈՒ Մ Ե Մ

1. Հայաստանի Հանրապետության գլխավոր դատախազության և Հայաստանի Հանրապետության զինվորական կենտրոնական դատախազության կառուցվածքային ստորաբաժանումների, Հայաստանի Հանրապետության գլխավոր դատախազության և Հայաստանի Հանրապետության զինվորական կենտրոնական դատախազության ավագ դատախազների (դատախազների), դատախազությունների, ինչպես նաև

Հայաստանի Հանրապետության դատախազության աջակցող մասնագիտական կառուցվածքային ստորաբաժանումների աշխատանքների արդյունքներն ամփոփել տարեկան կտրվածքով՝ Հայաստանի Հանրապետության դատախազության կոլեգիայի ընդլայնված նիստում:

2. Հայաստանի Հանրապետության գլխավոր դատախազի կողմից հաստատված ժամանակացույցի համաձայն՝ Հայաստանի Հանրապետության գլխավոր դատախազի ու նրա տեղակալների մասնակցությամբ դատախազություններում անցկացնել համապատասխան ամփոփումներ:

3. Հաստատել Հայաստանի Հանրապետության գլխավոր դատախազության և Հայաստանի Հանրապետության զինվորական կենտրոնական դատախազության կառուցվածքային ստորաբաժանումների, Հայաստանի Հանրապետության գլխավոր դատախազության և Հայաստանի Հանրապետության զինվորական կենտրոնական դատախազության ավագ դատախազների (դատախազների), ինչպես նաև դատախազությունների կողմից ներկայացվող տարեկան աշխատանքների մասին զեկուցագրի օրինակելի ձևը և դրա լրացման պարտադիր պահանջները՝ համաձայն հավելվածի (կցվում է):

4. Հայաստանի Հանրապետության գլխավոր դատախազության ավագ դատախազների (դատախազների), մարզերի, Երևան քաղաքի և Երևան քաղաքի վարչական շրջանների դատախազությունների կողմից կազմվող տարեկան աշխատանքների մասին զեկուցագրերը՝ օրինակելի ձևին համապատասխան, ըստ օրինակելի ձևում նշված հարցերի բնագավառների՝ կետերի, ենթակետերի և պարբերությունների հերթականության, օրինակելի ձևի լրացման պարտադիր պահանջների պահպանմամբ, համառոտ նշելով թվային տվյալները, դրանց համեմատական վերլուծության արդյունքում և (կամ) գործնական աշխատանքի ընթացքում հայտնաբերված հիմնախնդիրները, վերջիններիս օբյեկտիվ և (կամ) սուբյեկտիվ դրսևորումները, առանձին հանցատեսակների աճի կամ նվազման պատճառները, հանցագործությունների կատարմանը նպաստող հանգամանքներն ու հիմնախնդիրների լուծմանն ուղղված առաջարկությունները, ներկայացնել Հայաստանի Հանրապետության գլխավոր դատախազին՝ մինչև հաշվետու տարվան հաջորդող տարվա հունվարի 30-ը:

5. Հայաստանի Հանրապետության զինվորական կենտրոնական դատախազության կառուցվածքային ստորաբաժանումների, ավագ դատախազների և կայազորների զինվորական դատախազությունների կողմից կազմվող տարեկան աշխատանքների մասին զեկուցագրերը՝ օրինակելի ձևին համապատասխան, ըստ օրինակելի ձևում նշված հարցերի բնագավառների՝ կետերի, ենթակետերի և պարբերությունների հերթականության, օրինակելի ձևի լրացման պարտադիր պահանջների պահպանմամբ, համառոտ նշելով թվային տվյալները, դրանց համեմատական վերլուծության արդյունքում և (կամ) գործնական աշխատանքի ընթացքում հայտնաբերված հիմնախնդիրները, վերջիններիս օբյեկտիվ և (կամ) սուբյեկտիվ դրսևորումները, առանձին հանցատեսակների աճի կամ նվազման պատճառները, հանցագործությունների կատարմանը նպաստող հանգամանքները և հիմնախնդիրների լուծմանն ուղղված առաջարկությունները, ներկայացնել Հայաստանի Հանրապետության զինվորական դատախազին՝ մինչև հաշվետու տարվան հաջորդող տարվա փետրվարի 5-ը:

6. Հայաստանի Հանրապետության գլխավոր դատախազության համապատասխան կառուցվածքային ստորաբաժանումները (բացառությամբ՝ սույն հրամանի 8-րդ կետով սահմանված՝ Հայաստանի Հանրապետության գլխավոր դատախազության կառուցվածքային ստորաբաժանումների) մարզերի, Երևան քաղաքի և Երևան քաղաքի վարչական շրջանների դատախազությունների ներկայացրած տարեկան աշխատանքների մասին զեկուցագրերն իրենց մասնագիտացման ուղղությունների և գործունեության մասով ամփոփում և դրանց արդյունքները ներառում են իրենց աշխատանքի մասին միասնական զեկուցագրում՝ օրինակելի ձևին համապատասխան, ըստ օրինակելի ձևում նշված հարցերի բնագավառների՝ կետերի, ենթակետերի և պարբերությունների հերթականության, օրինակելի ձևի լրացման պարտադիր պահանջների պահպանմամբ, համառոտ նշելով թվային տվյալները, դրանց համեմատական վերլուծության արդյունքում և (կամ) գործնական աշխատանքի ընթացքում հայտնաբերված հիմնախնդիրները, վերջիններիս օբյեկտիվ և (կամ) սուբյեկտիվ դրսևորումները, առանձին հանցատեսակների աճի կամ նվազման պատճառները, հանցագործությունների կատարմանը նպաստող հանգամանքներն ու հիմնախնդիրների լուծմանն ուղղված առաջարկությունները, որը մինչև հաշվետու

տարվան հաջորդող տարվա փետրվարի 10-ը ներկայացնում են Հայաստանի Հանրապետության գլխավոր դատախազին:

7. Հայաստանի Հանրապետության զինվորական դատախազությունը Հայաստանի Հանրապետության զինվորական կենտրոնական դատախազության կառուցվածքային ստորաբաժանումների և ավագ դատախազների ու կայազորների զինվորական դատախազությունների ներկայացրած տարեկան աշխատանքների մասին զեկուցագրերն ամփոփում և դրանց արդյունքները ներառում է միասնական զեկուցագրում՝ օրինակելի ձևին համապատասխան, ըստ օրինակելի ձևում նշված հարցերի բնագավառների՝ կետերի, ենթակետերի և պարբերությունների հերթականության, օրինակելի ձևի լրացման պարտադիր պահանջների պահպանմամբ, համառոտ նշելով թվային տվյալները, դրանց համեմատական վերլուծության արդյունքում և (կամ) գործնական աշխատանքի ընթացքում հայտնաբերված հիմնախնդիրները, վերջիններիս օբյեկտիվ և (կամ) սուբյեկտիվ դրսևորումները, առանձին հանցատեսակների աճի կամ նվազման պատճառները, հանցագործությունների կատարմանը նպաստող հանգամանքներն ու հիմնախնդիրների լուծմանն ուղղված առաջարկությունները, որը մինչև հաշվետու տարվան հաջորդող տարվա փետրվարի 10-ը ներկայացնում է Հայաստանի Հանրապետության գլխավոր դատախազին:

8. Հայաստանի Հանրապետության հակակոռուպցիոն կոմիտեում մինչդատական վարույթի օրինականության նկատմամբ հսկողության, Հայաստանի Հանրապետության ազգային անվտանգության ծառայությունում մինչդատական վարույթի օրինականության նկատմամբ հսկողության, ՀՀ գլխավոր դատախազության կազմակերպական-վերահսկողական և իրավական ապահովման ու միջազգային-իրավական համագործակցության վարչություններն իրենց տարեկան աշխատանքների արդյունքների մասին զեկուցագրերը, մինչև հաշվետու տարվան հաջորդող տարվա փետրվարի 10-ը, վերապահված լիազորությունների սահմաններում, լրացված վիճակում ներկայացնում են Հայաստանի Հանրապետության գլխավոր դատախազին:

9. ՀՀ դատախազության գլխավոր քարտուղարը՝ Հայաստանի Հանրապետության դատախազության աջակցող մասնագիտական կառուցվածքային ստորաբաժանումների ներկայացրած տարեկան աշխատանքների մասին

զեկուցագրերն ամփոփում, դրանց արդյունքները ներառում է միասնական՝ ՀՀ գլխավոր դատախազի 2019 թվականի սեպտեմբերի 24-ի՝ «Հայաստանի Հանրապետության դատախազության կանոնադրությունը հաստատելու և Հայաստանի Հանրապետության գլխավոր դատախազի 2007 թվականի հունիսի 29-ի N 43 հրամանն ուժը կորցրած ճանաչելու մասին» N 39 հրամանով հաստատված կանոնադրության 26-րդ կետի 6-րդ ենթակետի հիման վրա ներկայացված հաշվետվությունում, որը, ուղեկցական զեկուցագրով, մինչև հաշվետու տարվան հաջորդող տարվա հունվարի 30-ը ներկայացնում է Հայաստանի Հանրապետության գլխավոր դատախազին:

10. Հայաստանի Հանրապետության գլխավոր դատախազի տեղակալները Հայաստանի Հանրապետության ոստիկանությունից ստացված՝ «Հանցավորության վիճակի մասին», Հայաստանի Հանրապետության Կառավարության 2008 թվականի հոկտեմբերի 23-ի՝ «Մինչդատական վարույթը բնութագրող ցուցանիշների վիճակագրական հաշվետվությունների միասնական ձևերը և դրանց լրացման ու ներկայացման կարգերը հաստատելու մասին» N 1225-Ն որոշմամբ հաստատված՝ «Քննչական աշխատանքի մասին» (Ձև 1Մ) և «Դատախազի աշխատանքի մասին» կիսամյակային և տարեկան վիճակագրական ամփոփ տվյալների, ինչպես նաև ՀՀ գլխավոր դատախազության կառուցվածքային ստորաբաժանումների կողմից տրված տարեկան աշխատանքների արդյունքների վերաբերյալ զեկուցագրերի հիման վրա, ըստ հանձնարարված ոլորտների, նախապատրաստում են զեկույց՝ ՀՀ դատախազության տարեկան աշխատանքների արդյունքների ամփոփման նպատակով անցկացվող ՀՀ դատախազության կոլեգիայի ընդլայնված նիստերում ներկայացնելու համար:

11. Ուժը կորցրած ճանաչել Հայաստանի Հանրապետության գլխավոր դատախազի 2020 թվականի դեկտեմբերի 28-ի՝ «Հայաստանի Հանրապետության դատախազության համակարգում տարեկան աշխատանքների արդյունքների ամփոփման կարգը սահմանելու, տարեկան աշխատանքների մասին զեկուցագրերի օրինակելի ձևը հաստատելու և «Հայաստանի Հանրապետության դատախազության համակարգում դատախազների տարեկան աշխատանքների արդյունքների ամփոփման սահմաններն ընդգծելու և տարեկան աշխատանքների մասին զեկուցագրի օրինակելի ձևը հաստատելու մասին» Հայաստանի Հանրապետության գլխավոր դատախազի 2017

թվականի դեկտեմբերի 28-ի թիվ 111 հրամանն ուժը կորցրած ճանաչելու մասին» N 146 հրամանը:

12. Հրամանն ուժի մեջ է մտնում հրապարակմանը հաջորդող օրվանից:

13. Հրամանի կատարման վերահսկողությունն իրականացնում է Հայաստանի Հանրապետության գլխավոր դատախազը:

14. Հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին, ավագ դատախազներին և դատախազին, Հայաստանի Հանրապետության զինվորական կենտրոնական դատախազության բաժինների պետերին, ավագ դատախազներին և դատախազին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության գլխավոր դատախազի խորհրդականներին ու օգնականներին, Հայաստանի Հանրապետության դատախազության գլխավոր քարտուղարին:



Ա. ՎԱՐԴԱՊԵՏՅԱՆ